



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm XXXII. Cùm olim.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

dem habere velit afferenti, vti hic docet Abb. n. 4. Secundo: Si dominus qui potestatem delegat, praesens sit, vt facile ex ipso quæri possit, tum literæ plerumque non exhibentur, vti hic notat Barbatia col. 4. Tertiò:

2 Quod pars litigans ante litis contestationem opponere possit defectum iurisdictionis, seu delegationis, sed non posse, nisi cum onere probandi seu ostendendi defectum, vti hic notat Abb. n. 7. Barbatia col. 8. arg. c. inter Monasterium, 20. de re iudicata. Tametsi verò talem negatiuā ostendere difficile sit, tamen nō dicitur impossibile, saltem vt indirectè probetur, v.g. delegantem eo tempore non fuisse in loco, vbi & quando delegatio facta narratur, sicut Imola hic notat n. 7.

Sed quid? Si exhibito mandato, Ordinarius, vel pars citata, nolit parere, inficiando iurisdictionem delegati prætextu falsitatis in rescripto apparentis, alteriusue defectus. Respond. Si delegatus intelligat oppositionem

3 friuolam esse, aut malitiosè opponi, cogere potest ad parendum, vti ex Holtiensi docet hic Abb. n. 5. Barbat. col. 5. Quia Iudex non tantum Ordinarius, sed etiam delegatus, exorto dubio, cognoscere potest, num sua sit iurisdictione, vti ex communi docet D. Martha de iurisdictione. p. 2. c. 4. ex l. 2. ff. Si quis in ius vocatus non ierit, iun. Gloss. Videtur tamen disserimen hoc esse inter Iudicem ordinarium, ac delegatum, quod ille iurisdictionem fundatam habeat, id eoque etiam in causa verè dubia ipsi parendum sit: cùm in dubio inter Superiorē, ac subditūm præsumptio sit pro Superiorē, argument. c. quid culpatur, 4. causa 23. q. 1. At verò delegatus Iudex non habet fundatam iurisdictionem: id eoque nisi eam ostendat, ita rationabiliter dubitari nō possit, non competit ei vis compellendi, vti ex Holtiensi hic annotauit Barbatia col. 5. & docet etiam Innocent. hic n. 3. Ad extremum notanda est doctrina Gl. hic ver. super mandato, quam explicant hic Barbatia col. 11. Abb. n. 6. Felinus n. 8. & in c. vlt. de fide Instrumentorum. Tametsi in publico instrumento exhibetur lata sententia à delegato Iudice, non tamen exinde ostendi, quod is habuerit mā-

datum ac iurisdictionem: quare cōtus esse debet is, pro quo delegatus sententiam uult, vt etiam mandatum, seu commissionem coram Iudice, præsente parte, à Notario registrari, ac transcribi curet. Nam alio quā si in actis publicis à Notario mentio tamē facta sit delegationis, aut mandati procuratorij transumpti, ea res probat quidem productionem mandati, sed non tenorem, ut singulariter Innocent. hic notauit n. 4. Cæterū, si constet, partem à Iudice delegato citatam, ac præsentem iudicio, ante liti contestationem nihil opposuisse, præsumptionem nasci pro iurisdictione eius, supra dixi, & tradunt DD. citati.

CAPITVLVM XXXII.

Cūm olim.

PARAPHRASIS.

Abbas quidam & Conuentus eius conquentes de Comite Altisiodorensi, quod in eorum territorio stagnum, molendum, & domum extruxisset, impetrarunt à Papa causam hanc quibusdam iudicibus delegari. Coram his lite contestata, recipiis ab utraque parte testibus, & testimoniis eorum publicatis, Comes opposuit quod Iudices de damnis in nemoribus & alijs rebus illatis, testimonia recipere, aut cognoscere non debeat, cùm in rescripto commissionis Apostolicæ nullade domini & mentio facta sit. Sed Iudices deceptione hac cognoscentes, interlocut sunt, etiam de damnis cognoscere ad ipsius pertinere: Quo auditio Comes à sententia ista ad Sedem Apostolicam appellavit. Iudices reiecta appellatione tanquam nō legitima, Comitem denuo ad iudicium tarunt; sed cùm is neque per se, neq; per alium compareret, ipsum excommunicarunt. Hoc processu ad Papam Innoc. III. delato, respondet is, Cūm ad Iudices non spectaret cognitio de damnis illatis, & quod de his in rescripto mentio facta non fuerit, neq; Iudices iurisdictionem sui cō-

exte-

extenderet seu prorogare potuerint; quemadmodum nec Procurator ad alias quam in procuratorio mandato expressa sunt, constitutus esse censetur; ideo recte egit Comes, quod statim ac publicatis attestationibus intellexit testes super damnis illatis examinatos depositisse, contradixit: Iudices autem perperam interlocuti fuerunt; consequenter appellatio Comitis contra interlocutoriam legitimè interpolata; sententia autem excommunicationis nullius roboris censeri debet,

SUMMARIUM.

1. *Qui violent immunitatem ecclesiasticam, etiam coram ecclesiastico Iudice conueniri possunt.*
2. *Non tantum edificans in alieno solo, sed etiam preparatoria faciens v.g. locum adaptando, nemora succidendo &c. obnoxius est noui operis denunciationi.*
3. *Rescriptum delegationis est strictæ interpretationis, unde non est extendendum de causa expressa ad non expressam, si ea connexa non sit, sed separabilis.*
4. *Iudex delegatus ex partium consensu iurisdictionem prorogare potest, si prorogatio sit dubia, & Iudice pro sua iurisdictione iudicante, partes appellando non contradicant.*
5. *Si autem manifesta sit prorogatio quoad substantialia, ea fieri non potest, secundum est, si tantum sit prorogatio quoad accidentalia; modo restrictionem factum esse constet principaliter in favorem partium.*
6. *Procurator ad lites mandatum sue procurationis prorogare non potest, domino ignorantie.*
7. *Mandatum procuratoris ad lites & negotia stricta interpretationis est.*

NOTANDVM I. *Qui violent iura & immunitatem Ecclesiasticam, vt Comes iste volens stagnum & molendinum in terra Ecclesiae edificare, iij coram Ecclesia-*

stico etiam Iudice conueniri possunt: quare talia crimina censentur mixti fori, si Reus laicus sit. Ita sumitur ex c. cum sit, 8. de fo-

ro compet. & docet hic Barbat. col. 3.

NOTANDVM II. *Non tantum si quis a re ipsa in alieno solo edificet, sed etiam si præparationem faciat, v.g. locum adaptando, nemora succidendo, materiam aduehendo, locus est noui operis denuntiationi, de qua tit. 32. lib. 5. decret. Vel interdicto Vti possidestis, vt à violentia desistatur, sicuti Innoc. hic docet princ. & Barbat. col. 4.*

NOTANDVM III. *Rescriptum delegationis est strictæ interpretationis: quare extendendum non est de causa expressa ad non expressam, si ea connexa non sit, sed separabilis. Sicuti in casu proposito: Mandatum cognoscendi, vtrum Comes ius edificandi habeat, & cognoscendi de damno illato diuersa, & separabilia sunt, cum diuersas actiones requirant.*

Cæterum, si commissum sit alicui, vt iudicet de iure edificare volentis, consequenter etiam prohibere & repellere potest edificatorem, si ius non habere iudicatum fuit: quia id ad sententiæ executionem spectat, c. significasti, 7. hoc tit. Item si alicui commissum sit, vt de illata iniuria, damno, aut spoliatione iudicet, potest partem laudentem compellere ad restitutionem, aut satisfactionem: quia haec connexa sunt, vt eadem actione peti soleant. Ita notat hic Innocent. n. 2. Ioann. Andr. n. 8. Abb. n. 7. Cæterum si post litis contestationem Comes edificationis profundæ causa damnum in nemoribus dedit, tunc causæ commissæ annexum fuisse, vt per sensum contrarium ex textu colligatur.

NOTANDVM IV. *Iudex etiam delegatus, interloquendo pronuntiare potest, iurisdictionem sibi competere; adeo, vt si pars non appellat, sententia illius transeat in rem iudicatam. Qua de re Gl. fin. in Auth. habita. C. Nefilius pro patre, Barbat. hic col. 9. Innoc. 9.*

Quod vero ijdem Doctores, & Abb. n. 3. Felinus n. 3. hic disputant, vtrum Iudex delegatus ex partium consensu iurisdictionis

DECS

nem prorogare possit, arbitror distinguendum: Vel enim prorogatio, seu extensio iurisdictionis ultra commissionis formam, manifesta est, vel dubia. Si dubia, & Iudex pro iurisdictione sua iudicet, nec partes appellando contradicunt, tum fieri potest, ut iurisdictionis prorogetur, sed per accidentem propter ignorationem, & rei iudicatae auctoritatem. Sin autem manifesta prorogatio, tum vel est quoad substantialia, cuiusmodi est prorogatio de casu ad casum, aut de persona ad personam. Et haec fieri non potest etiam de partium consensu, vti sumitur ex hoc c. & ex c. P. & G. 40 hoc tit. vbi id docet Abb. n. 12. Ratio est: Quia delegatus habet iurisdictionem non absolutam (nisi sit ad yniuersitatem causarum delegatus, vt dicam in cit. c. P. & G.) sed secundum quid, seu limitatam ad causas & personas: quae limitatio exacte servari debet. Vel est prorogatio, quoad accidentalia, videlicet locum, tempus, quantitatem rei. Tuim prorogatio fieri potest ex partium consensu, dummodo apparent, limitationem seu restrictionem in earundem partium fauorem principaliter factam esse. Et quidem de prorogatione temporis, intra quod iuxta formam rescripti causa expedienda esset, leges in c. de causis, 4. hoc tit. De prorogatione loci in c. statutum, 11. § cum verò de rescript. in 6. vbi tamen expressus partium consensus requiritur. Quod speciale censeri debet, cùm alioquin expressi, & taciti eadē vis sit, iuxta Gl. in c. 1. vcr. opera, d. 43. Deinde necesse est, vt locus, ad quem iurisdictionis transfertur, subiectus sit iurisdictioni delegantis, vel saltem ut Ordinarii illius loci contentus sit, sicuti monet Abb. in cit. c. P. & G. n. 15. Denique de prorogatione ad qualitatem cōstat ex l. de qua re, 74. §. 1. iun. Gl. ver. iussus, ff. de iudicijs.

Veruntamen Procurator ad lites neque mandatum suæ procurationis prorogare potest domino ignorantie; quippe cuius intereat, nihil ultra commissionem suam agi, vti Imola hic notat n. 10. Neque consentire potest Procurator, quamvis generale mandatum habeat, ut rescriptum, quod in domini sui fauorem ad locum, tempus, aut quan-

tatem restrictū est, prorogationem confatur; nisi dominus sciat, actacitè consentiat; vel nisi mandatum generale habeat cum libera, vti ex communi docet Felinus cit. c. P. & G. n. 11. Denique, ut supra monuit, necesse est restrictionem iurisdictionis factam esse in fauorem partium: Sin autem in utilitatē mandantis, alterius sue personæ, vel ob fauorem publicam, tum mandati fines exactè seruari debent, neque ultra extendi possunt, vti hīc Abb. monet n. 9. ex c. clm. dilecta, 22. de rescript. & c. venerabilis, 37. hoc tit.

N O T A N D V M V. Mandatum procuratoris ad lites strictè etiam interpretandū, neque extendendum est ad ea, quæ non expressa, vel expressis necessariō coherentia non sunt. Et eadem est ratio de procuratore ad negotia, sicuti hīc exemplificant Abb. & Felinus. Si Titius à Caio mandatum accepit pecunias debitas recipiendi, confessio procuratoris de pecunia numerata non præjudicat domino, quando ille nō ad confitendum, sed ad recipiendum duntaxat mandatum accepit. Verum quidem est, quod confessio recepti debiti, v. g. ex causa mutui probet solutionem factam, c. si cautio, 14. de instrumentorum, sed non nisi eius responsum, qui confessus est, aut confessionem feci mandauit.

Deinde: Si quis constitutus sit ad vendendum rem certam, pretio certo ipsi continuo, nō potest fidem habere de pretij solupione; nisi sit consuetudo mandantis, vt emporibus fidem habeat de solutione ad aliquod tempus differenda; vel si mandatarius prædenter rem domini agat, vt si is præsens est, facilem consensum daret. Qua de re Mol. tom. 2. disp. 552. Vide quæ dixi lib. 3. Th. moral. tr. 4. c. 27. n. 6.

CAPITVLVM XXXIII. Cùm olim.

P A R A P H R A S I S.

Cùm Sebastianus & Benedictus dignitatum suarum permutationē instituere vellent, contro-